



Nuuk 24. oktober 2018

UKA2018/137

Jens Napätök, Partii Naleraq

**Kingusinnerpaamik UKA 2019-mi Majoriaq pillugu naliliinermik saqqummiusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Naliliinermi nassuiarneqassaaq innuttaasut ilinniniarnissaannut sulilernissaannullu piareersaarnissaminut Majoriap siunertani qanoq naammassitigisimaneraa. Naliliinermut ilanngullugu aamma maannamut misilittakkat tunngavigalugit pitsangorsaannissanut sipaarutissanullu siunnersuutit ilannguteqquneqarput.**

(Inatsisartunut ilaasortaq Nivi Olsen, Demokraatit)

Inatsisartuni ilaasortaq Nivi Olsen Demokraatineersoq Majoriaq pillugu naliliinermik suliaqarnissamik saqqummiusseqqusilluni aalajangiiffigisassatut siunnersuummik saqqummiussaanut Partii Naleqqamiit qutsavigerusupparput.

Majoriaq inuiaqatigiinni pingaaruteqarluinnartumik inissisimasut ilagaat pingaarnertut sulianik pingasunik isumagisaqartulluuni, tassalu Suliffinnik innersuussisarneq, ilinniagaqarnissamut suliffeqarnissamullu ilitsersuisarneq taavalu ilinniagaqarnissamut suliffeqarnissamullu piginnaangorsaaneq.

Taamatuttaarlu Majoriaq ingerlatsiviit ilinniagaqarnermut, suliffeqarfiusup aammalu inuussutissarsiorfiup imminnut taakkulu akornanni attaveqaatit inissisimasuullutik atuupput.

Majoriaq sineriassuarput isorartooq tamaat siuaruarsimaffigalugu sumiiffiit periarfissarititai assigiinnngissitaarluinnartut ingerlataqarfigaat katillugit ingerlatsiviit 17-iusut, tassalu nunatsinni illoqarfiit Qaanaamiit kujammut kitaa tamaat kujataa tikillugu, kalaallit nunatta kangia tamaat ilanngullugu. Tassa nunatsinni isorartuumi illoqarfiit tamarmik 17-iusut Majoriaq ingerlatsiveqarfigalugit.

Majoriap suliassaqarfii inuiaqatigiinnut pingaaruteqarluinnartuupput, tassalu suliffinnik innersuisarneq, ilinniagaqarnissamut suliffeqarnissamullu ilitsersuineq taamatullu ilinniagaqarnissamut suliffeqarnissamullu piginnaangorsaaneq, taakkulu tamarmik suliniutit aningaarsartorfigisarneri siunissamut pitsaanerusumik atugaqarlernissamut aammalu siunissamut ungasinnerusumut aningaaliinertut isigisariaqarluinnartut Partii Naleqqamiit isumaqarpugut.

Majoriaq ingerlanneranut 100 millioner koruunit atorneqartarput ukiunilu tulliuttuni sisamani ukiumut 112 millionit koruuni sinnilaarlugit alliniarneqarlutik aningaasartuutigineqartalissallutik.

Taamatut siunissamut iluaqutaasussamik aningaasaliisarnerit pitsangorsartuarnissaat pingaartutut Partii Naleqqamiit isigaarput, taamaammat aamma malinnaaviginissai pingaaruteqarput pitsangorsartuarnissaat ullutsinnullu naleqqussartuarnissaat eqqarsaatigalugu.



partii naleraq

Majoriaqarfiit ingerlanneqarneri 2012-imi Naalakkersuisoqarfiup nalilersuititsisimapput Merete Watt Boolsen-ip Københavns Universitetitminngaaneersumit ingerlanneqarsimasut nalililiinerit misissuataarlugit pissarsinartuupput killiffiusumik qanorlu ingerlariaqqinnissamut tikkuussilluartuusunik.

Majoriaqarfiit imaluunniit taamanikkut Piareersarfiit suliakkersorneqartarnerat annertunerulersimasoq saqqummiunneqarpoq oqaatigineqarluni atuarniarlutik qinnuteqartartut amerlanerulersimasut taamatullu suliassat amerlanerusut takkussimasut oqaatigineqarluni.

Nalunaarusiami ilaatigut inuussutissarsiuutikkut aammalu ilinniartitaanikkut politikkip nutaamik eqqarnissamut iluarsartuussinissaat periarfissaalersimasoq tikkuarneqarpoq, taamatullu aamma piareersarfinni siuuttuusut misigisimagaat suliassat siunnerfigineqartut tamaasa sularisinnanangit nassueruteqarsimanerat

Taamatut inissisimalersimanerat nalunaarummi ersersinneqarsimalluni pisortat ilaasa annertuallaamik suliaqalersimanerat kinguneqarsimasoq allaat oqaatigineqarluni pisortat avaangusulersimasarnerat, takorluugaqarnerat annikkinnerulerluni taamatullu allannguinnissamut allaat annilaangassuteqarlutik inissisimalersimanerat aammalu puffassimaalersimasinaanerat saqqummiunneqarsimalluni.

Taamatut qaffasippallaamik aammalu taama annertutigisumik suliaqarnermi sulisut taamatut akisussaaffik annertoq tigummillugu aammalu minnerunngitsumik inuiaqatigiinni taama pingaaruteqartigisumik inissisimasuusuni siunnerfik annertuumik inissisimalersimagaluarnera naleqqussaavigeqqinnerani majoriaq atuutilerpoq 2016-imi januarip aallaqqaataani.

Suliniutit iluatinnartut aammalu siunissamut aningaasaliinerit pingaaruteqarluinnartut eqqarsaatigalugit Partii Naleqqamiit pingaarsoraarput ataavartumik nalilersuinerit ingerlanneqartassasut ataavartumik pitsanngorsaannermut atorneqaannaratik aamma taamatut suliaqartut periarfissai annertusaqqissinnaasarnissaat eqqarsaatigalugit.

Piumasaqaatit nunarsuatsinni peqataajartuinnarninnitsinni annikkillisarnagit qaffasippallaamik suliakkiisannginnisarput qulakkiissagutigu pingaaruteqarluinnarpoq sakkut pitsaasuunissaat.

2012-imi misissuinerimimmi takutinneqarpoq taamanikkut sumiiffinni 16-iusuni pisortasut pisortatut piginnaasaat naleqqussaaffigineqarsimanngitsut pissusilersornerilu pisortatut assigiinngiaartut aammalu ilaasa pisortatut piginnaasaat annikippallaartut.

Nalilersuinerit ilaatigut aallaavigalugit iluarsaasseqqissimanerit aammalu Majoriaq 2016-imi januarip aallaqqaataaniit atuutilerneraniit killiffissiuinnaarani nalilersuinissaq taamanikkut nalunaarsusimanerit takutissimasaat aallaavigalugit maannakkut nalilersuilluaqqittuaqqittariaqarneq tikkuussivigigaa Partii Naleqqamiit isumaqarpugut.

Naalakkersuisut taamatut misissuititsillutik nalunaarusiortitsimanerat ajunngitsorpasuarnik naleqqus-saaqqinnissamik tikkuussiinnaratik suleriaqqinnermi sakkusaaqinnissamut tunniussaqaqfigisimapput.



Tamannalu taamatut iliortarnej pitsaasutut Partii Naleqqamiit pitsaasutut isigiaarput aammalu nunap inui aallaavigalugit nunarsuarmioqatitsinnut peqataajartuinnarnitsinnut aqutissiuuinnermut atugassaqqissutut isigalutigu.

Majoriaq qallunaat nunaanni højskolini suleqateqarluni inuttut piginnaasatigullu inuttut oqaatitsigullu alloriaqqinnissamat suleqatigineqarnerat pitsaasuusooq Partii Naleqqamiit tapersorsorparput nersualarusullugulu aammalu kaammattuutigerusupparput Qallunaat nunaata saniatigut nuna avannarliit allat aammalumi tuluit nunaat amerikalua taama pitsaatigisumik suleqatissarsiorfiginissaa kaammattuutigerusullutigu suliniuteqarfissatut ilanngullugu missuiffigineqassasoq siunissami qanittumi periarfissaalernissaa eqqarsaatigalugu.

Tuluit oqaasiisa annertunerusumik atugaalernissaat nunatsinni politikikkut siunnerfigaarput nunarsuarmioqataajartuinnarnerput nunanilu allani suleqateqarnitta annertusiartuinnarnera ilutigalugu taammaammalu aamma inuusuttut amerlanerusut nunanut allanut inuttut piginnaasatigullu pitsaanagerusumik periarfissarsiornerunissaat Partii Naleqqamiit pitsaasutut pingaartitattalu ilagimassuk pimoorullugu aqutissiuunnissaa matumuuna kaammattutigaarput.

Majoriaq Suliffinnik innersuussisarnej, ilinniagaqarnissamat suliffeqarnissamullu ilitersuisarnej taavalu ilinniagaqarnissamat suliffeqarnissamullu piginnaangorsaaneq pillugit Inatsit 1. januar 2016 atuutilersoq pillugu siunnersuutigaa kingusinnerpaamik Inatsisartut ukiakkut 2019-imi majoriaq pillugu naliliinermik saqqummiusseqqullugit Naalakkersuisut peqquneqarnissaat kissaatigalugu.

Naalakkersuisut siunnersuummut akissuteqarnermini oqaatigaat Majoriaqarfiit kommunillu peqatigalugit paasissutissanik pitsaasumik aammalu tutsuiginartunik taamatullu ataavartunik peqarnissaaq sulissutigigaat.

Taamatut Naalakkersuisut siunnersuummut akissuteqaatiminni saqqummiussaqaarnerat Partii Naleqqamiit naammagisimaararput aammalu tamakkiisumik tapersorsorlutigu.

Majoriaq pillugu naliliinermik Naalakkersuisut kingusinnerpaamik 2019-imi ukiakkut saqqummiusseqqullugit siunnersuummut Naalakkersuisut akissutaat tupaallannartuuvoq nuannerlunilu tassa maannaakkut ukiamut utaqeqqaarata 2019-imi upernaakkut nalilersuinermik saqqummiussiniarlutik siunnersuummut allannguutissamik saqqummiussaqaarmata.

Naalakkersuisut suliffeqarnermi periusissaaq – suliffeqarnej toqqissimasooq pillugu attuumasusillit suleqatigiillutik nalilersuinissaat, Majoriami naliliineq ilanngullugu nalunaarusioriarlutik upernaamat saqqummiussinissaat qilanaaraarput taamatullu oqaaseqarluta Naalakkersuisut siunnersuummut allannguutissatut siunnersuutaat Partii Naleqqamiit tapersorlutigu.

Taamatumunngalu ilanngullugu Partii naleqqamiit saqqummiussagut ilanngullugit suliarineqarnissaat kissaatigalutigu atatsimiititaliami susassaqaartumi allannguutissatut siunnersuut ilangullugu suliarineqarnissaa innersuussutigaarput.